



Republika e Kosovës
Republika Kosova – Republic of Kosovo

Agjencia e Kosovës për Akreditim
Agencija Kosova za Akreditaciju
Kosovo Accreditation Agency



Data: 10/01/22 Ref.: 44/22

Në mbështetje të nenit 8 dhe 12 të Ligjit për Organizimin dhe Funksonimin e Administratës Shtetërore dhe të Agjencive të Pavarura Republikës së Kosovës Nr.06/L-113 (Gazeta Zyrtare Nr.07/01 mars 2019), Ligjit për Procedurën e Përgjithshëm Administrative Nr. 05/L-31 (Gazeta Zyrtare Nr.20/12 Qershor 2016), Ligjit për Arsimin e Lartë në Republikën e Kosovës Nr. 04/L-037 (Gazeta Zyrtare Nr.14/9 Shtator 2011), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr.15/2018, datë 28.09.2018), Manualit për Akreditimin e Institucioneve të Arsimit të Lartë, dhe të Vendimit të KShC-së, nr. 3236/21D të datës 21.09.2021; Këshilli Shtetëror i Cilësisë (KSHC), në mbledhjen e 94-të, të mbajtur më 21 dhjetor 2021, mori:

V E N D I M

- I. Refuzohet kërkesa e Kolegjit “Universum”, dega në Ferizaj, Nr. 3513/21H datë 01.11.2021 për akreditim të programeve të studimit:
- Fizioterapi, Bachelor Profesional, 180 ECTS, (akreditim)
 - Infermieri, BSc, 180 ECTS, (akreditim)
- II. Ky vendim hyn në fuqi me nënshkrimin e tij.

A r s y e t i m i

Kolegji “Universum” ka parashtruar kërkesë (Nr. 3513/21H datë 01.11.2021) pranë Agjencisë së Kosovës për Akreditim (AKA) për akreditim të programeve të studimit: 1) Fizioterapi, Bachelor Profesional, 180 ECTS (akreditim) dhe 2) Infermieri, BSc, 180 ECTS (akreditim).

Bazuar në pikën 1.2 të Nenit 10 të UA për Akreditim ku thuhet, “Në përputhje me kërkesat e këtij udhëzimi administrativ, KShC do të bëjë aprovimin e listës së stafit akademik për çdo program të studimit i cili

parashtrohet për aplikim nga institucionet e arsimit të lartë. Tabelat e plotësuara në formë elektronike së bashku me deklaratat për angazhimin e stafit akademik përcillen në formë të raportit përmbledhës në mbledhjen e ardhshme të KShC-së për aprovim formal. Raporti përmbledhës për gjendjen e stafit në bazë të të dhënave të dorëzuara nga institucionet e arsimit të lartë përgatitet nga stafi i AKA-së”, KShC në mbledhjen e mbajtur më 21 dhjetor 2021 ka trajtuar aplikacionin e dorëzuar nga ky Kolegj.

- **Për programin Fizioterapi, Baçelor profesional, 180 ECTS**, institucioni ka paraparë si bartës të programit: Bekim Ramabaja (MA në Shëndet, Sport dhe Rekreacion), Llokman Ahmeti (MA në Fizioterapi), Bardha Agushi (MA në Fizioterapi) dhe Shpëtim Beqiri (MA në Shkenca Shëndetësore).

Konform nenit 1 të Ligjit për Arsimin e Lartë, “*Arsimi i lartë në Kosovë është në përputhje me standardet evropiane*”. Standardet evropiane në fushën e fizioterapisë zbatojnë direktivat e Fizioterapisë Botërore, për regionin e Evropës. Në udhëzuesin e kësaj organizate “Physical therapist professional entry level education”, thuhet se programet e fizioterapisë aplikohen në nivel universitar jo më pak se 4 vite, ose 240 kredi.

Kjo është dëshmuar me shkrim në Agjencinë e Akreditimit edhe nga organizata e Fizioterapisë Botërore dhe nga Oda e Fizioterapeutëve të Kosovës, si anëtare e kësaj organizate me të drejta të plota. Për më tepër, në asnjë nga direktivat e BE-së apo vendet zbatuese të EHEA, nuk ka raste kur programet mjekësore ofrohen si programe profesionale, por vetëm si programe shkencore.

Në bazë të kësaj që u tha më lartë, KShC vendosi që të refuzojë aplikacionin për programin e studimit Fizioterapi, Baçelor profesional, 180 ECTS, pasi që programi nuk është shkencor dhe as 240 kredi.

- **Për programin Infermieri, BSc, 180 ECTS**, institucioni ka paraparë si bartës të programit: Tevide Shabani (MA në Infermieri), Xhevahire Ymeri (MA në Infermieri), Shkëndie Shala-Jonuzi (MA në Infermieri), Nora Shabani (MA në Menaxhment Shëndetësor) dhe Donjet Bislimi (Doktor i Mjekësisë).

Sipas Nenit 26, pika 5.3.4 e UA për Akreditim, kërkohet që: “*Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë që për çdo grup të studentëve (të përcaktuar sipas statutit të IAL) dhe për çdo 60 ECTS kredi të programit të studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimeve*”.

Për shkak të mungesës së bartësve të programeve akademike me nivelin PhD, ashtu siç është e përcaktuar me UA për Akreditim 15/2018, dhe mungesës së publikimeve shkencore sipas vendimit të Këshillit Shtetëror të Cilësisë nr. 3236/21D të datës 21.09.2021 për plotësim e parimeve themelore të Manualit për Akreditim, pika 5.1 e tij, ku përcaktohet se: *Nga 1 tetori 2021, përveç kritereve të përcaktuara me UA për akreditim, bartësit e programeve që hyjnë në proces të akreditimit në nivel BA/BSc duhet të kenë të paktën 1 (një) publikim shkencor të indeksuar nga fusha e studimit/programit, ndërsa në nivelin MA/MSc duhet të kenë së paku 2 (dy) punime nga fusha e studimit/programit në revista shkencore të indeksuara si autor i parë apo korrespondent, sipas nenit 3, pika 1.1 WEB OF SCIENCE koleksioni bërthamë (SCIE, SSCI dhe AHCI), apo 1.2 SCOPUS, duke përfshirë revistat ose shtëpitë botuese të dyshimta sipas UA 01/2018 të aprovuar nga MASHT*;

Bazuar në faktet e prezantuara me sipër dhe dispozitat ligjore të sqaruara më lartë, KShC vendosi që në mungesë të stafit adekuat, dhe bazuar në Nenin 26, pika 5.3.4 e Udhëzimit Administrativ për Akreditim, të refuzojë aplikacionin për programin e studimit Infermieri, BSc, 180 ECTS.

Këshillë juridike: Kundër këtij vendimi mund të paraqitet ankesë sipas Nenit 125 dhe 126 të Ligjit mbi Procedurën e Përgjithshme Administrative (Nr. 05/L-031, datë 25 Maj 2016). Pastaj, ankesa kundër këtij akti administrativ i dorëzohet organit të Komisionit të Ankesave të AKA-së, sipas Rregullores nr. 2/2019, në afatin prej 30 ditëve nga data kur pala është njoftuar për aktin administrativ sipas Nenit 127 të LPPA.

Vendimi iu dërgohet:

- Kolegjit “Universum”, dega në Ferizaj.
- MASHTI;
- Arkivit të AKA-së.


Prof. Ass. Dr. Hasnija Ilazi
Kryetare e Këshillit Shtetëror të Cënësive

